



Broj: 05/1-50-14-51-21/11

Sarajevo, 16.11.2011.

ZAPISNIK

21. sjednice Nezavisnog odbora kao nezavisnog tijela policijske strukture BiH

Sjednica je održana 16.11.2011., s početkom u 11 sati.

Sjednici su prisustvovali članovi Nezavisnog odbora: Žiko Krunić, Mato Jozić, Dragan Savić, Stanko Nuić, Ljubomir Kuravica, Enes Obralić i Viktor Dadić.

Opravdano su odsustvovali prvi zamjenik predsjednika Bakir Dautbašić i član Nezavisnog odbora Zijad Kadić.

Osim članova, sjednici je prisustvovala Alma Salkić-Mijić, koja je obavljala poslove sekretara Nezavisnog odbora.

Sjednicu su pratili: Dijana Šatara i Senad Zlatar iz OHR-a, Zoran Brkić iz Sektora za odnose s javnošću Parlamentarne skupštine BiH, Muhamed Jugo i Adna Teskeredžić, volonteri u Parlamentarnoj skupštini BiH.

Sjednicu je sazvao Žiko Krunić, predsjednik Nezavisnog odbora. Konstatirao je da postoji kvorum za rad te otvorio sjednicu i pozvao članove da iznesu eventualne prijedloge za izmjenu predloženog dnevnog reda. Dragan Savić, član Nezavisnog odbora je predložio da se sa dnevnog reda 21. sjednice skine tačka 3. - Razmatranje dopisa Odbora za žalbe građana upućenog Nezavisnom odboru.

Ova primjedba jednoglasno je usvojena, a nakon toga jednoglasno je usvojen sljedeći:

DNEVNI RED

1. Usvajanje zapisnika 19. sjednice, održane 27.09.2011., i 20. sjednice, održane 14.10.2011.;
2. Razmatranje prijava pristiglih na javni konkurs za provođenje procedure odabira kandidata za izbor direktora Državne agencije za istrage i zaštitu;
3. Tekuća pitanja
 - Izvještaj sa studijske posjete članova Nezavisnog odbora institucijama Sjeverne Irske.

Ad.1. Usvajanje zapisnika 19. sjednice, održane 27.09.2011. godine, i 20. sjednice, održane 14.10.2011. godine

Predsjednik Nezavisnog odbora Žiko Krunić otvorio je raspravu o ovoj tački dnevnog reda. Nije bilo rasprave.

Zapisnik 19. sjednice, održane 27.09.20011. godine i Zapisnik 20. sjednice, održane 14.10.2011.godine, su usvojeni jednoglasno, bez primjedbi.

Ad.2 Razmatranje prijava pristiglih na javni konkurs za provođenje procedure odabira kandidata za izbor direktora Državne agencije za istrage i zaštitu

Predsjednik Nezavisnog odbora Žiko Krunić u uvodu je podsjetio članove Nezavisnog odbora da je javni konkurs za provođenje procedure odabira kandidata za izbor direktora Državne agencije za istrage i zaštitu objavljen u “Službenom glasniku BiH” broj 83/11 dana 18.10.2011. godine, u Dnevnom listu, Glasu Srpske i Oslobođenju u četvrtak 20.10. 2011. i u “Službenom glasniku Brčko Distrikta BiH” u utorak 25.10.2011. godine. Napomenuo je da je rok za dostavljanje prijava bio 15 dana od dana objave javnog konkursa u “Službenom glasniku BiH”, a to je 2.11.2011. godine.

Članovi Nezavisnog odbora su izvršili uvid u pristigle prijave i konstatirali su da su se na Javni konkurs prijavila četiri kandidata: Rade Dostanić, Novo Blagojević, Goran Lujčić i Goran Zubac i da su sve prijave uredne i blagovremene.

Članovi Nezavisnog odbora su konstatirali da je u skladu sa tekstom Javnog konkursa potrebno za sve kandidate po službenoj dužnosti, pribaviti podatke iz kaznene evidencije o tome da li su osuđivani za krivična djela, sa izuzetkom krivičnih djela iz oblasti sigurnosti saobraćaja. Nakon dobijanja podataka iz kaznene evidencije, Nezavisni odbor će nastaviti proceduru odabira kandidata.

Ad.3.Tekuća pitanja

• Izvještaj sa studijske posjete članova Nezavisnog odbora institucijama Sjeverne Irske

Predsjednik Nezavisnog odbora Žiko Krunić je naglasio da je Izvještaj o studijskoj posjeti članova Nezavisnog odbora institucijama Sjeverne Irske dostavljen članovima neposredno pred raspravu o ovoj tački dnevnog reda.

Predložio je da se razmatranje Izvještaja odgodi do naredne sjednice, kako bi članovi imali dovoljno vremena da se upoznaju sa njegovim sadržajem.

Prijedlog je jednoglasno usvojen.

Sjednica je završena u 12 sati.

Privremeni sekretar
Nezavisnog odbora
Alma Salkić-Mijić

Predsjednik
Nezavisnog odbora
Žiko Krunić